

LEWIS, DAVID WYRE (1872 - 1966), gweinidog a threfnydd (B)

Enw: David Wyre Lewis
Dyddiad geni: 1872
Dyddiad marw: 1966
Priod: Eleanor Lewis (née Dodd)
Priod: Elizabeth Ellen Lewis (née Roberts)
Rhiant: Jane Lewis (née Davies)
Rhiant: John Lewis
Rhyw: Gwryw
Galwedigaeth: gweinidog a threfnydd (B)
Maes gweithgaredd: Crefydd
Awdur: Benjamin George Owens

Ganwyd 13 Mai 1872 yn Felinganol, Llanrhystud Mefenydd, Ceredigion, yn fab i'r bardd a'r cerddor **John Lewis** ('Eos Glan Wyre'; 1836 - 1892), Tŷ-mawr, a Jane (ganwyd Davies; 1844 - 1917), Felinganol, ac yn nai fab brawd i'r cerddor **David Lewis** (1828 - 1908). Addysgwyd ef yn ysgol eglwys y pentref, a phrentisiwyd ef yn saer coed yn Nhrawscoed. Oherwydd diffyg gwaith yn y fro symudodd i'r Maerdy, Morgannwg, ac yna drosodd i Ben-y-graig, lle y bedyddiwyd ef yn aelod yn eglwys Soar, Ffrwdamws a'i goddi i bregethu. Yn dilyn cyfnod byr o ysgol nos yn y Porth a 14 mis yn y Severn Grove Academy yn Llanidloes (1893-94), fe'i derbyniwyd i Goleg y Bedyddwyr, Bangor, ond arhosodd hyd Fedi 1895 cyn cychwyn ar ei gwrs, gan frwr'r flwyddyn gyntaf yng Ngholeg Prifysgol Cymru, Aberystwyth, er mwyn matricwleiddio, a'r pedair blynedd nesaf ym Mangor yn rhannu ei amser rhwng Coleg y Brifysgol a Choleg y Bedyddwyr. Ordeiniwyd ef 3 Gorffennaf 1900 yn weinidog eglwys Nefyn a Morfa Nefyn, lle y cododd dŷ crwdd newydd sbon i'r naill a gosod trefn ar gyllid y llall, a chael profiadau 'cwbl anesboniadwy' yno yn ystod y Diwygiad yn 1905. Sefydlwyd ef 19 Ebrill 1910 yn weinidog eglwys Calfaria, Llanelli, lle y daeth wyneb yn wyneb â therfysgoedd streic y rheilffordd yn Awst 1911, a symudodd 1 Medi 1913 i eglwys Penuel, Rhosllannerchrugog, lle y cyflawnodd waith aeddfetaf ei fywyd a lle y bu galw arno ar y dechrau cyntaf, fel yn Llanelli, i gymathu ei weinidogaeth bersonol a'r efengyl gymdeithasol a oedd yn ennill tir ymhlith yr aelodau. Ymdeolodd 7 Ebrill 1946, ond parhaodd i fyw yn yr ardal.

Yr oedd yn gynadleddwr profiadol ac arweinydd yng ngwasanaeth ei enwad. Bu'n ysgrifennydd Cymanfa Bedyddwyr Arfon, 1906-10, ac ysgrifennydd Cymanfa Dinbych, Fflint, a Meirion, 1919-39, â chyfrifoldeb arbennig o 1934 ymlaen am ofynion y Gronfa Gynhaliol. Bu'n llywydd y Gymanfa ddwywaith (1930-31, 1954-55), ac wedi annerch yr Undeb (1910, 1920) dyrchafwyd ef yn llywydd 1938-39. Cyhoeddwyd anerchiad 1920, Crist a'r werin ac araith 1939, Yr Eglwys a'i chyfle heddiw. Bu'n gadeirydd y Drysorfa Goffadwriaethol, Pwyllogr *Y Llawlyfr moliant newydd* (1955), Pwyllogr y Gronfa Gynhaliol (o ganol y 1950au hyd ei farw), a threfnydd dros Gymru i'r Drysorfa Ad-drefnu (1944).

Yr oedd yn ysgrifwr toreithiog a chyhoeddodd fyrgofiant yn J. T. Rees (gol.), *Detholiad o donau, anthemau a rhanganau Dafydd Lewis, Llanrhystyd* (1930), ac *Yr eglwys a'i arbudd. Y weinidogaeth a'i pherigl heddiw* (1939). Yr oedd ar y blaen yn atgyfodi *Seren Gomer* yn 1909, yn olygydd y cylchgrawn, 1910-16, gyda phwyslais neilltuo ar ei *'Nodiadau ar lyfrau'*, ac y mae ei erthyglau ymlaen i'r 1930au yn cynnwys bywgraffiadau Bedyddwyr cyfoes o Gymry, adroddiadau ar gynadleddau blynyddol, a thraethiadau sylweddol ar bynciau amrywiol. Cyfrannodd lawer i Yr Hauwr (wedyn Yr Heuwr) a'i olynydd Yr Arweinydd newydd, o 1904 hyd ganol y 1930au.

Yr oedd yn ŵr effro i anghenion cenedl yn ogystal ag enwad. Bu'n ysgrifennydd Cymanfa Ddirwest Llŷn ac Eifionydd. Yr oedd yn heddychwr i'r carn, yn aelod o'r cwmni a gychwynnodd Y Deyrnas, Hydref 1916, ac yn ysgrifennydd a chofnodydd i'r Gynhadledd Heddwch a alwyd yn Llandrindod, 3-5 Medi 1917. Ef yn 1940-41 oedd cadeirydd y Pwyllogr er Diogelu Diwylliant Cymru, a phan unwyd hwnnw ag Undeb Cenedlaethol y Cymdeithasau Cymraeg yn 1941 i greu Undeb Cymru Fydd, bu o'r cychwyn yn aelod o Gyngor ac amryw o bwyllgorau'r corff newydd ac wedyn yn gadeirydd ac yn llywydd. Dyfarnwyd iddo D.D. er anrhydedd gan Brifysgol Cymru yn 1961, ac ym marn llawer ef oedd Bedyddiwr pwysicaf yr 20fed ganrif yng Nghymru.

Priododd (1), 13 Ebrill 1904, ag Elizabeth Ellen Roberts (1896 - 1941), Caerdybi. Priododd (2), 20 Mai 1946, ag Eleanor Thomas (ganwyd Dodd), Pen-y-cae, Wrecsam. Ganed o'r briodas gyntaf ddau fab. Bu farw 9 Mai 1966 yn ei gartref Tŷ Cerrig, Pen-y-cae, a chladdwyd ei lwch ym medd ei wraig gyntaf ym mynwent ei fam-eglwys, yn Salem, Llanrhystud.

Awdur

Benjamin George Owens

Ffynonellau

L.I.G.C., llawysgrifau o'i lyfrgell, yn enwedig y prif gasgliad yn 1969, sy'n cynnwys hunangofiant yn ei law hyd 1914, gweler *Adroddiad Blynyddol Llyfrgell Genedlaethol Cymru*, 1969, 28-9, a manylion am gasgliadau eraill, *ibid*, 1970, 32, ac 1976, 45

Lewis, Llanrhystyd Manuscripts: NLW MS 8177A - NLW MS 8276A, casgliad o gerddoriaeth, llythyrau, etc., o eiddo ei dad John Lewis a'i ewythr David Lewis - gweler *ibid.*, 1929, 23-4, a *Handlist of Manuscripts in the National Library of Wales*, iii, s.n.

L.I.G.C., achres y teulu, o waith ac yn llaw E. T. Price

Mynegiad Cymanfa Arfon (1905-06) Cymanfa Arfon, 1905-6, 7-9

Llythyr Cymmanfa Bedyddwyr Dinbych, Fflint a Meirion ynghyd â c mynegiadau y Gymdeithas Genhadol Gartrefol a'r Gymdeithas Fenthyciol, 1930-31, 3-13; 1938-39, 23; 1954-55, 3-4

Adroddiad Cyrddau blynyddol Undeb Bedyddwyr Cymru, 1910, 59-63

Adroddiad Undeb Bedyddwyr Cymru, 1938-9, 5-16, ac 1965-6, 16

Y Greal sef Cylchgrawn Misol at wasanaeth y Bedyddwyr, 1904, 305 ac 1910, 136

Seren Cymru, 27 Gorffennaf 1900, 8 Ebrill, 6 Mai 1910, 1 Awst, 12 Medi 1913, 16 Mawrth 1928, 1 Medi 1939, 18 Ebrill, 16 Mai 1941, 3 Mai 1946, 27 Mai, 3, 10 Mehefin 1966

Seren Gomer, 1920, 259-69, 1939, 41-5, 1940, 41-7, 1961, 1-6, 1966, 29-60 (rhifyn coffa)

Seren yr Ysgol Sul yn cynwys bywgraffiaeth, hanesiaeth naturiol, barddoniaeth, cerddoriaeth, &c., 1939, 198-203

Y Genhinen, 1950-1, 205-8

Y Deyrnas, 1917, Mehefin 6-7, Gorffennaf 6, Awst 6, Medi 5-6, Hydref 12

S. Rowley, Lewis Valentine (gol.), *Hanes Eglwys Penuel Rhosllannerchrugog* (Llandysul 1959), 124-33, 159

Undeb Cymru Fydd. Adroddiad blynyddol, 1965-6, 4-5

Dyddiadur a Llawlyfr Undeb Bedyddwyr Cymru, 1967, 115-6

Baptist Handbook, 1967, 365

The Cefn Chronicle, 6, 13 Medi 1913

Rhos Herald, 20 Tachwedd 1943, 15 Ebrill 1946, 22 Ebrill 1961

The Wrexham Leader, 13, 20 Mai 1966

gwybodaeth gan ei ferch-yng-nghyfraith Mrs. J. C. Lewis, Llanrhystud

gwybodaeth gan E. R. Morris, Llanidloes

adnabyddiaeth bersonol

Dolenni Ychwanegol

Wikidata: [Q20732899](https://www.wikidata.org/wiki/Q20732899)

Dyddiad cyhoeddi: 1997

Hawlfraint Erthygl: <http://rightsstatements.org/page/InC/1.0/>

PDF Argraffu Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfeyrdiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.



Arddull APA



Owens, B. G., (1997). LEWIS, DAVID WYRE (1872 - 1966), gweinidog a threfnydd (B). *Y Bywgraffiadur Cymreig*. Adferwyd 19 Tac 2024, o <https://bywgraffiadur.cymru/article/c4-LEWI-WYR-1872>

Cyfrannu

Preifatrwydd a Chwci
Hawlfraint
Y Prosiect
Cymorth
Cysylltu

LGC
NLW

LLYFRGELL
THE NATION



Nodi gan
Llywodraeth Cymru
Supported by
Welsh Government